

寧河縣志卷之十一

藝文志 凡五

記言記事志體也言而無文行之不遠故詞文旨遠者尚焉上自郊廟朝廷下迄鄉黨閭巷其言之粹然出於正者將以敷陳政治裁量品物宣達性情誠所以載道者也否則惠施五車其道踳駁言有枝葉矣又何文之足尚哉伏惟我

朝典冊兼綜條貫深仁厚澤盈塞天淵而公卿大臣日月獻納嘉謨所在

寧河縣志

卷之十一

藝文

一

京畿近邑罔敢不載焉他如碑版詞章衆制鋒起勒功德以傳後假風雅以摠懷並宜集其精英以存體要豈僅小技云乎哉觀乎人文以化成天下道在此矣志藝文

宸翰

康熙三十四年九月二十四日

諭戶部直隸順天保定河間永平四府所屬地方今歲水潦傷稼三農歉收朕巡幸所至徧加諮訪聞高阜之產尚有秋成而卑下之田被潦者多計所收穫不能相敵

雖經勘災頒賑不致此僨失所而須辦錢糧若仍行徵收則民力匱乏難以輸將朕心深切不忍著將四府康熙三十五年地丁銀米全與蠲免用示寬恤其霸州雄縣香河寶坻四處皆有水道可以轉輸每處著發米一萬石各差司官一員齎往照彼地時價減值發糶以資民食著行文該撫通行曉諭俾均沾實惠副朕軫念災黎至意爾部卽遵諭行欽此

康熙五十五年十二月二十六日

諭戶部朕御極已來念切民生時勤宵旰凡巡歷所至必

寧河縣志

卷之十一

藝文

二

以編氓疾苦備悉諮詢蓋欲比戶之蓋藏恒裕三時之水旱無虞斯民氣和樂聿成豐亨豫大之休也頃者朕巡行口外終過三河等州縣暨永平府交界地方見今歲秋成豐稔米價稱平惟是去年雨水過溢田畝間被淹沒朕深加軫惜蠲賦平糶轉漕分賑貧民使不致失所今者雖復有秋然僅足支一歲之用恐來年之輸將尚多難繼是必再沛恩膏始可大培民力著將順天永平兩府所屬大興宛平通州三河密雲薊州遵化順義懷柔昌平寶坻豐潤平谷玉田良鄉涿州武清永清香

河霸州大城文安固安東安房山保定延慶梁城盧龍  
遷安樂亭灤州撫寧昌黎山海等州縣所衛康熙五十  
五年地丁銀二十六萬四千三百三十六兩零米豆高  
糧二萬一千六百四十六石零草九萬四千九百五十  
束零俱通行蠲免所有歷年積欠銀九萬三百九十六  
兩零米豆高糧一萬六千二百七十五石零草八萬四  
千四百七十束零亦併與豁除爾部行文該督嚴飭所  
屬實心奉行俾遐村窮谷均沾德意倘有不肖有司借  
端朦混私行徵收者察出定行從重治罪爾部卽遵諭

寧河縣志

卷之十一

藝文

三

行欽此

雍正二年十月二十三日

諭直隸九府今秋歲登大有惟霸州東安大城武清玉田  
寶坻梁城所七州縣所地畝稍被水傷朕卽諭巡撫李  
維鈞將倉糧發賑今李維鈞奏請將七州縣所被水村  
莊本年錢糧緩至雍正三年麥收後帶徵但念此小民  
生全初遂若將今歲錢糧歸於明歲帶徵則新舊之賦  
輪納於一年之內物力維艱勢難兼顧夫百姓雖登樂  
利猶資惠養有方爾部行文該撫著將霸州等七州縣

所被水村莊雖未成災今年應徵錢糧內或應有蠲免之處詳查定議具題務紓民力以副朕軫念黎元至意  
雍正六年十月十四日

諭戶部直隸爲首善之地今歲春麥秋禾俱登豐稔民人樂業朕心深慰但地方有歷年帶徵之錢糧若令閭閻之間新舊並納雖逢豐稔之歲而民力未必寬然有餘因思歷年帶徵之項乃頑戶之所拖欠也明年額徵之項乃衆民之所輸將也若欲使小民共被恩澤惟有將明年之賦預行蠲免則比戶可以均霑查直隸額徵地

寧河縣志

卷之十一

藝文

四

丁等項二百四十三萬餘兩本地支銷俸工及兵餉驛站等項應給銀二百零二萬兩其應起運者計四十一萬七千八百九十兩著將雍正七年額徵錢糧內蠲免四十一萬七千八百九十兩爾部可確查分數行文該督通行所屬州縣一體敬謹遵奉以副朕愛養黎元嘉惠畿輔之至意倘官吏等私自多徵朦混中飽或地棍等包攬侵蝕作弊藏奸又或有司奉行不善使百姓不得均霑實惠經朕訪聞必重治其罪並將總督司道等嚴加處分欽此

雍正七年閏七月二十九日

諭聞直隸地方有寄莊寄糧之弊往往地寄此處糧寄他處相隔百餘里或數百里之遠卽如宣化府懷安一縣有人地俱在懷安而寄糧於宣化萬全者有人地俱在宣化萬全而寄糧於懷安者更有現在懷安納糧而寄地於順天府之寶坻豐潤三河相隔五百餘里者在徵糧者則鞭長莫及而寄地者則彼此無關脫漏欺隱之弊勢所不免地方有司實難稽察催徵朕之所聞如此著直隸總督詳細確查若果有此等應作何更正改隸之法著該督悉心妥議具奏再直省如有似此寄莊寄糧者著該督撫亦詳查酌量定議具奏欽此

乾隆二年四月十八日總理事務王大臣奉

上諭今年春夏以來京師畿輔雨澤稀少而山東地方亦有缺雨之郡縣朕亦屢降諭旨多方籌畫以爲先事之備今思節近小滿甘霖未降麥秋料已失望民心未免惶懼除已經降旨緩徵外著將直隸通省今年應徵地丁錢糧蠲免一百萬兩俾民力寬舒民氣愉暢如將來仰蒙

天佑霖雨普施秋成不致歉薄則閭閻霑朕格外之恩亦加  
惠元元之誼所謂百姓足君孰與不足者嗣後如得雨  
稽遲有妨農事則應行賑恤等事仍應加意辦理毋使  
一夫失所該督撫當仰體朕宵旰焦勞惠普黎庶之心  
督率有司敬謹奉行務使小民均霑實惠并出示通行  
曉諭知之欽此

乾隆四年三月二十二日內閣奉

上諭朕念切民生時厯宵旰或各省督撫陛見或遇司道  
各員請訓務以編氓疾苦備悉諮詢惟期海隅蒼生培  
固元氣庶臻家給人足之風比年以來畿輔地方屢遇  
歉收而江南舊年被旱尤甚此皆朕之不德以致

上蒼示警遂使吾民有乏食之虞朕甚恤焉今幸賴

上蒼恩佑各省春雨頗周足資耕種今念三省之民幸有以  
安其心尚未能復其舊其被災處所旣已蠲賑頻施屢  
頒諭旨茲當開徵之期在被災者固屬艱難而未被災  
之地同在一省雖有輕重之分而乏食受困則一用是  
特頒諭旨將直隸總督所屬今年地丁錢糧蠲免九十  
萬兩蘇州巡撫所屬今年地丁錢糧蠲免一百萬兩安

徽巡撫所屬今年地丁錢糧蠲免六十萬兩該督撫務將朕旨家喻戶曉俾閭閻均受實惠庶幾和氣致祥以仰答

上天之恩而培民生之本倘有貪官污吏藉端苛索或私行徵收者該督撫不時察叅該部卽遵諭行欽此  
乾隆十六年十二月十四日內閣抄出奉

上諭大學士高晉等會勘南北兩運城河據奏酌籌修濬事着依議速行但摺內所稱修濬河隄橋壩各工據各該道屬河工成規約需銀十二萬一千餘兩今請於停

寧河縣志

卷之十一

藝文

七

賑之時照興工代賑舊例給價共約估需銀九萬一千餘兩俾小民得以力作餬口等語四處城河在武清寶坻寧河天津青縣滄州諸境內今歲皆值偏災寓賑於工自與小民有益惟是以工代賑向例較之河工成規給價轉少朕思地方既有偏災卽不用其力尚且多方體恤乃因寓賑之工轉致減價給發於理未協卽該地方已經給賑而赴工之人未必卽係領賑之人亦無從區別蓋所謂興工代賑者其工原屬不必興者第爲災黎起見旣受更賑之後因以修舉廢墜俾得藉以餬口

自應循照往例若實係緊要工程亟應興作自又當照原價給與此項城河修濬工程所有土方工價銀兩着照河工成規全行支給以副朕子惠黎元至意其嗣後各省以工代賑之處俱令分別工程緩急照此辦理該地方官務須督率稽查俾工歸實用毋令浮冒濫銷斯可矣該部遵諭速行欽此

乾隆二十八年正月初二日內閣奉

上諭去歲直隸各屬雨水過多其偏災地方已經加恩賑恤並酌籌以工代賑俾窮黎不致失所但時屆春月例

寧河縣志

卷之十一

藝文

八

賑將停麥秋尙遠正當青黃不接之際農民口食未免拮据深爲軫念著再加恩將被災較重之霸州保定文安大城永清東安武清寶坻寧河薊州安州新安天津青縣靜海滄州寧晉等十七州縣之極次貧戶口暨被災稍重之大興宛平昌平順義固安涿州新城雄縣香河豐潤玉田灤州昌黎樂亭清苑望都高陽河間任邱交河景州東光南皮鹽山慶雲冀州武邑衡水等二十八州縣之極貧戶口均於停賑之後概予展賑一個月以資接濟並於通倉所存乾隆二十四年以前稔米撥



運十二萬石以克展賑之需該督方觀承其董率屬員實力奉行務使貧民均霑實惠副朕愛養黎元至意該部遵諭速行欽此

乾隆二十八年二月十九日

行在內閣抄出奉

上諭朕恭謁

東陵途次周諮民隱直屬州縣上年秋霖被災較重深堪軫念前已疊降諭旨概行加賑至本年三月但現在農民東作方興麥秋尚遠口食猶恐拮据著加恩將被災六

寧河縣志

卷之十一

藝文

九

分以上各州縣無論極次貧民再予展賑一個月其被災五分者例不應賑並格外加恩亦無論極次貧民特予加賑一個月以資接濟至地畝雖經涸出閭閻或無力播種者並著查明有可趕種春麥或候種大田者均分別借給籽種一面辦理一面奏聞俾得無悞蓄畬副朕體恤愛養至意該部遵諭速行欽此

乾隆三十六年正月初二日奉

上諭上年直隸地方因夏間雨水過多各州縣被災較重屢經降旨加恩並先後動撥部庫銀八十萬兩又撥通

倉並截留漕米共六十萬石令該督加意撫恤銀米兼賑俾無失所第念新春東作方興距麥秋尚遠無力貧民口食未免拮据著再加恩將被災較重之武清東安寶坻寧河永清香河霸州固安薊州天津靜海等十一州縣自六分災極貧至七八九十分極次貧旗民再行加賑一月至大興宛平通州青縣滄州等五處並著一體加賑俾春初力作之時得資接濟該督其董率所屬實心經理務使窮簷均霑實惠該部遵諭速行欽此

乾隆三十六年二月初十日內閣奉

寧河縣志

卷之十一

藝文

十

上諭朕恭奉

安輿巡幸山東連日經行畿輔童叟歡迎足徵愛戴因念去歲夏間天津等處雨水過多被災較重雖經疊降諭旨蠲賑頻加所見茅屋景象頗爲恬適第災歉之餘元氣未能驟復自宜再沛渥恩期臻康阜所有天津府屬乾隆三十三年以前地糧倉穀各民欠已於上年豁免著再將滄州青縣靜海鹽山慶雲五州縣三十四年因災借欠穀三萬八千六百餘石天津縣三十四年常借未完穀三千六百九十餘石概行蠲免至經由之東安交

河景州東光四州縣所有未完二十二年至三十四年因災借欠穀三萬八千三百餘石及災重加賑之寶坻寧河永清霸州薊州五州縣未完二十五年至三十四年因災借欠穀一萬八千七百餘石亦著全行豁免其順天府屬之武清一縣被災尤重該縣向無積欠未能一體霑恩前已降旨將經過各州縣蠲免本年地丁十分之三著加恩將武清一縣蠲免十分之五用均愷澤俾閭閻共資樂利以副朕行慶宣恩之至意該部卽遵諭行欽此

寧河縣志

卷之十一

藝文

十一

乾隆三十七年正月初二日內閣奉

上諭直隸省去歲秋間雨水稍大濱河窪地偶被偏災疊經降旨發帑出粟賑恤有加貧黎諒不至有失所第念賑期有定而待哺殊殷當此始和布令畿輔近地允宜再沛恩膏所有上年被災較重之宛平良鄉涿州東安永清固安霸州文安大城通州寶坻香河武清新城雄縣天津靜海寧晉及被災次重之保定三河薊州寧河豐潤玉田等二十四州縣自六分極貧至七八九十分極次貧均著加恩於本年三月再行展賑一月俾青黃

不接之時小民口食有資得以安心力作此外如有缺乏籽種之戶及糧價稍貴之區該督仍隨時體察酌量糴借兼行務使一夫不致失所以副朕軫念民依至意該部遵諭速行欽此

乾隆四十年正月初二日內閣奉

上諭直隸天津河間等屬上年偶被偏災業經賞撥通倉米十萬石以備賑濟之需民食無虞缺乏惟念被災各戶計至昨冬正賑已畢今春青黃不接二麥尚未登場民食口糧未免拮据著加恩將天津青縣靜海滄州南

寧河縣志

卷之十一

藝文

三

皮鹽山慶雲獻縣交河東光武邑武強霸州文安大城寧河等十六州縣無論極次貧民應於正月起均予加賑兩個月俾資接濟再景州以西地方有與武邑災地毗連村莊河間肅寧與獻縣災地毗連各村並阜城毗連交河災地各處經該督覆勘應入六七分災者並著一體查明給賑以示一視同仁至意該部卽遵諭行欽此

以上

諭旨

維

順治十一年歲次甲午十一月朔

皇帝遣順天府府尹閻印同寶坻縣知縣方之璧

諭祭吏部左侍郎管右侍郎事杜立德父杜守禮母張氏

繼母張氏之靈曰

人臣著靖共之績移孝作忠朝廷宏錫類之仁因情廣  
愛爾杜守禮乃吏部左侍郎杜立德之父賦姿秀善蘊  
德端方揆藻鬻宮蚤歲擅通儒之譽棲心邱壑晚年高  
大隱之風爾子佐朕銓衡克勤職守未遑定省抱恨終

寧河縣志

卷之十一

藝文

三

天朕用悼焉特賜祭一壇減半造葬立德母張氏繼母  
張氏偕號賢淑例得並祭用頒牲醴式賁鉉扉爾其享  
之

康熙三十年十一月十三日

皇帝遣順天府府尹劉元慧

諭祭原任保和殿大學士兼禮部尚書太子太師加二級

諡文端杜立德之靈曰

朕惟國重元臣股肱攸寄苟勤勞素著克佐謨猷則生  
有爵賞之勞歿有褒崇之數所以酬庸章德典至隆也

爾杜立德恪慎居心篤誠勵行初登垣掖常奉職以靡  
愆洊歷卿曹益矢公而匪懈朕嘉乃績特簡鈞衡正色  
論思每確持夫國是殫心獻納克表率乎官常秉謇諤  
之風規有體有要著溫恭之儀範不激不隨適當致政  
之年遂有懸車之請永懷雅度彌冀遐齡詎意抱疴倏  
聞奄逝憶芳型而考實用錫嘉名稽常典以明恩誼膺  
備禮嗚呼老成徂謝實深懷舊之思休命寵頒庶展厚  
終之義爰申奠醑尚克歆承

以上

寧河縣志

卷之十一

藝文

十四

諭祭文

康熙三十一年十一月十二日

御製太子太師禮部尚書保和殿大學士加二級諡文端  
杜立德碑文

朕惟國家慎簡臣工置諸輔弼必藉端醇慤謹之彥以  
克襄猷烈表率班聯故生有顯秩之勞歿厚飾終之禮  
所以彰德酬庸俾垂永久典至隆也爾杜立德持躬厚  
重賦性樸誠早陟掖垣旋躋卿寺議事每杼侃直居心  
力矢公忠洎簡任歷試諸曹而篤棊恒如一日有倫有

要展綜理庶物之材克慎克勤盡夙夜在公之誼朕心  
嘉賴命典綸扉密勿與聞股肱攸寄爾更秉懷淵塞砥  
節端方表弼亮之風規虛衷而衡國是殫經綸之事業  
正色而肅官常久任樞機洵稱良佐是以引年遂請而  
眷念不衰尚冀田里優游遐齡未艾告終忽至朕甚悼  
焉爰命有司厚其葬祭易名考行諡曰文端嗚呼老成  
隕謝懷風度於當年綸綍不宣播休聲於奕禩豈惟爾  
子若孫之光寵抑亦百爾有位之觀型爰勒貞珉昭垂  
無斁

寧河縣志

卷之十一

藝文

五

以上

御製碑文

康熙二十一年八月初九日

御製賜大學士杜立德旋里

十載資賢佐勞深致太平訐謨留紫闥風度重丹楹方  
倚鹽梅畧難違邱壑情餐芝黃綺伴軒冕有餘情

以上

御製詩

謹按言以聖爲歸文以經爲則典謨雅頌古聖之言

也而後世詔諭悉由此出焉文之時義大矣哉我

國家右文稽古

列聖相承

綸綍所頒淪肌浹髓

皇上秉至聖之德遊心文苑暉麗日月彈壓山川况屬首  
善之區瞻依尤切茲敬錄有關寧邑者以見典謨雅  
頌之則焉

奏議

敬陳 京東水利疏

怡賢親王

寧河縣志

卷之十一

藝文

六

竊河道有經有緯而緯常多於經所以資節宣利挹  
注也臣等歷看

京東之水若白河若薊若溲以及永平之灤河皆經流  
之最大者白河爲漕運要津農田之蓄洩不與焉然  
河西曠野平原數十里內止有鳳河一道自南苑流  
出涓涓一帶蜿蜒而東至武清之堠上村斷流而河  
身淤爲平陸此外別無行水之溝亦無瀦水之澤一  
有雨潦不但田廬瀰漫卽運河隄岸亦宛在水中矣  
查凉水河源自京城西南由南苑出宏仁橋至張家



灣入運河請於高各莊開河分流至堠上循鳳河故道疏濬由大河頭入仍於分流之處各建一閘以時啟閉庶積潦有歸且可沾溉田疇而於運道亦無礙也運河之東則香河其下爲寶坻沿河隄岸坍塌屢爲二邑之災應飭河官及時修築高厚弁於牛牧屯以上斜築長隄一道以障上流之東溢則香河寶坻無運河之患矣再通州烟郊以南之水皆滙於窩頭分爲二股一股南入運河一股東流經香河縣之吳村滙於百家灣入七里屯達於寶坻查七里屯以上

大半淤塞地皆沙鹵難以開鑿若將南流一股疏通深暢則窩頭經流歸於運河分入香河之吳村者無多稍加濬導則亦可免冲溢矣又夏店之箭杆河經香河東北入寶坻之溝頭河漫流入淀應從溝頭疏濬導流於寶坻城南會七里屯之水東入八門城達於大河庶水有攸歸不致漫溢爲害且潮水自八門城逆流入河於農田亦有利焉寶坻之西北壤接薊州薊州運河自三台營會諸山之水東南至寶坻會白龍港又南經玉田豐潤合溷水達於海河身深濶

源遠流長所謂棄之則害用之則利者也臣等愚見請先築河隄務須高厚永保無虞然後於下倉以南建石橋一座橋空下閘壅水而升之注於兩岸以資灌溉多開溝澮自近而遠縱橫貫注用之不乏矣漑水又名還鄉河發源遷安之泉莊噴薄洶湧懸壁而下既入平地則委折蛇行土人有三灣九曲之稱自康熙四十二年決運河頭奪流而西至雍正元年始塞決口挑引舊河然河道狹而隄堰卑東決則淹豐潤西決則淹玉田二邑士民請展狹爲廣改曲爲直

其說近是然以建瓴之勢奔放直瀉恐下流益滋冲潰之患似應酌量於甚曲之處如劉欽莊王木匠莊各開直河一道其舊流亦無令壅塞俾得兩處分瀉隄堰之偏近河身者拓而廣之更加高厚可無冲決之患至沿河一帶建閘開渠數十里內無非沃壤土人動言漑水湍急爲患不知敗稼之洪濤卽長稼之膏澤凡潰而爲害者皆分而爲利者也現在近河居民引流種菜千畦百隴在在皆然曾未見利於圃而有不利用於農者也玉田本屬稻鄉藍泉河出藍山西

南流入薊運夾河瀦水爲湖伏秋山水暴發河與湖平一望瀰漫應將河身疏通深廣束以隄防西北另開小河一道引山澗汗漫之水入河下流使湖無泛濫而河得安瀾仍於曲河頭建閘開溝引水遶東湖而南湖內外田地均霑灌溉仍於湖中最下之處圩爲水櫃以濟泉水之不足其利可以萬全又泉河發源小泉山東流會孟家泉煖泉達於薊運河現在引流種稻所當搜滌泉源多方宣播以廣水利者也豐潤負山帶水湧地成泉疏流導河隨取而足志乘所

謂潤澤豐美邑之得名非虛也臣等歷勘所至如城東之天宮寺牛鹿山鐵城坎以及沿河沮洳之處或疏泉或引河可種稻田數百畝多至千餘畝而止惟縣南接連大泊一帶平疇萬頃土膏滋潤內有王家河汊河龍堂灣泥河共四道皆混混源泉春夏不涸王家河汊河流入大泊龍堂灣泥河西入薊運河而田疇不沾勺水之利爲可惜也應請滌其源疏其流壩以壅之隄以蓄之東北引陡河爲大渠橫貫四河而中間多開溝洫度陌歷阡滌洄宣布數十里內取

之左右皆逢其源滂則田水達於溝溝達於渠渠會於河河歸於大泊大泊廣八里長方十餘里若於東南穿河導入陡河以達於海而泊內可耕之田多矣陡河卽館水源自灤州之館山東流遶縣境而南旁河村莊曰上稻地下稻地南曰官渠蓋昔年圩田種稻之處溝塍遺址尚有存者宣各莊以下至今稻田隄防多設壩閘以時蓄洩疆理一循舊迹不勞區畫而兩岸良田不可數計至板橋狼窩舖等處東連榛

子鎮一帶流泉大概入灤州境矣灤州爲永平屬邑永平之水灤河爲大其源遠所從來者高洶湧滂沛推壅沙石旣不可束以隄防亦難以資灌溉然各屬支流藉以滙歸故少漲溢之患而涓瀝皆農田之資如灤州近城之別故河淤塞漫流數十年於茲若照舊疏通不惟城闔不受浸嚙而西南負郭之田皆收浸潤之利城南則有龍溪出五子山東大泉騰沸流至五官營伏入地中至閻家莊復見卽清河之源也城西則有沂河經芹菜山南流折而東又轉而南二

河之間地勢平行土岡環之東南一望無際皆可播流而溉也西南則游觀莊之靳家黃坨河引泉可田南則稻河吳家龍堂等處引河可田西北則自沙河驛之東榛子鎮之西龍溪黃崖爰會於牯牛河經雙橋而圍山瀑水入之流清而駛地平而潤沿岸一帶建壩開溝無處非水耕火耨之地矣灤州之北爲遷安城北徐流營湧出五泉合流入桃林河又三里橋湧泉流出灤河蠶姑廟泉河與灤河相接龍王廟之泉頭流爲三里河經十里橋而南夾河皆可田黃山

寧河縣志

卷之十一

藝文

三

之麓一泓湛然浮沫如珠西漾入石渠渠岸清泉噴湧卽還鄉河自出也自泉莊至新集五六里兩岸地與水平播之可種稻田百餘頃且可分還鄉河上流之勢灤河經府治之西青龍河會焉青龍河卽盧水縣以此得名境內崗巒起伏地高水深難以汲引惟縣北之燕河營湧泉成河及營東五泉漫溢四出至張家莊一帶皆可挹取爲樹藝之利他如撫寧昌黎樂亭以及遵化三河等州縣臣等未及遍歷然按圖考志大抵水澤之利居多伏念

京東土壤膏腴甲於天下祇緣積俗怠玩苟且因循人  
有遺力地多遺利我

皇上軫念民瘼宵旰勤求無刻或釋臣等奉

命查勘所至宣揚

聖德明白曉諭一時民情踴躍歡聲雷動今春融凍解正  
動工修築之時臣等分遣効力人員逐一確估請

旨興工惟是工程浩大地方遼濶臣等欽遵

聖諭殫心籌畫所勘情形大概如此至高下廣狹隨宜隨  
量容有變通之處抑或委員經理未必盡合機宜圻

寧河縣志

卷之十一 藝文

三

田之多寡奏效之遲速統俟工完彙齊送冊將勘過  
情形繪圖恭呈

御覽伏乞

皇上睿鑒施行

梁城所改縣奏准部覆

爲請改設郡縣以益政治事吏科抄出署理直隸總  
督印務唐執玉題前事雍正八年十二月初三日

題本月十三日奉

旨該部議奏欽此於本月十四日抄出到部該臣等會議

得署理直隸總督印務唐執玉疏稱天津州直隸州管轄青靜二縣滄州直隸州管轄南皮鹽山慶雲東光四縣天津州係水陸通衢鹽漕聚泊五方雜處旗民互淆且巡查防捕及辦水師營各項軍工加以本州錢穀刑名并督催核轉青靜二縣案件及稽察屬員倉庫差繁事冗恐致顧此失彼之虞應將天津州請

皇上恩賜嘉名改爲府治設天津縣知縣一員附駐府城  
耑理地方事務同青靜二縣并滄州南皮鹽山慶雲

寧河縣志

卷之十一 藝文

三

四州縣統歸新府管轄其東光一縣仍歸河間府管理等語應如該署督等所請天津州准其改爲府治添設天津縣知縣一員附駐府城除東光縣仍屬河間府管理外其滄州直隸州改爲滄州與青縣靜海南皮鹽山慶雲及天津新改知縣俱令新設知府管轄 又疏稱霸昌道屬之寶坻縣廣袤六百餘里其毗連之梁城所相距寶邑路途遙遠逼近海濱一切催漕捕蝗巡緝私鹽逃盜等項該縣不能兼顧千總無查審刑名踏勘相驗之責該縣遇有公事巡歷往

返經旬政務難免遲悞今相度地方形勢將寶坻縣之江窪口起迤西由潘美等莊至西隄頭莊止係天津州至山海關大路卽以此路分界路南割歸梁城路北仍屬寶邑亦懇請

皇上恩賜嘉名以所治改爲縣治將千總裁汰添設知縣一員亦歸霸昌道督催管轄等語應將梁城守禦所裁汰改爲縣治添設知縣一員將江窪口起迤西由潘美等莊至西隄頭莊往山海關大路以南地方令新改之縣專理其錢穀事件仍歸霸昌道督催盤查

寧河縣志

卷之十一 藝文

十四

又疏稱天津州改爲府治其舊設之河間府海防清軍同知應就近屬新府管轄再請添設糧捕通判一員府經歷一員教授一員訓導一員其天津縣應設縣丞一員典史一員其舊設之天津州州同吏目應請裁汰所有學正應改教諭訓導無庸議裁梁城所旣改爲縣亦應設典史一員教諭一員訓導一員至河間府海防同知現係翰林陳儀帶理今雖改隸毋庸銓選等語應准其將河間府海防清軍同知歸新設知府管轄查係河缺現在翰林陳儀兼理無庸



另補此後缺出仍照例令河道總督題補再添設糧捕通判一員府經歷一員教授一員訓導一員天津縣添設縣丞一員典史一員將天津州州同吏目裁去除訓導仍令任事外其學正改爲教諭梁城所改設知縣亦准其添設典史一員教諭一員訓導一員再天津州州同係管河之缺今旣將州同裁去改設縣丞應令其管理河務令河道總督揀選題補以上天津新設知府并梁城所裁改新設知縣統俟命下之日移揭內閣選擬嘉名進

寧河縣志

卷之十一 藝文

三

呈

欽定後移咨禮部鑄給印信并鑄給天津縣及經歷教諭等印以昭職守至新設知府查有戶部山東司郎中楊允服於雍正八年九月內保送引

見奉

旨著記名俟有直隸知府缺出爾部題奏欽遵在案今新設知府應否卽將楊允服補授或令署督於現任知府內揀選調補所遺事簡員缺將楊允服補授之處

俟

旨遵行新設知縣二缺令署督於現任知縣內揀選調補  
此後缺出歸部銓選天津旣改府治知州史麟應令  
其赴部另補其滄州知州董思任於釋放鹽犯案內  
臣部議以革職具題滄州知州員缺并添設糧捕通  
判一員府經歷一員教授教諭各一員訓導二員典  
史二員均歸於月分銓選 又疏稱天津州州同汪  
鐸吏目費汝龍梁城所千總李滋宏均給咨赴部另  
補等語查州同汪鐸原係水利効力續經題補河缺  
之員應無庸送部仍留直隸交與署督會同河道總  
寧河縣志

卷之十一

藝文

三

督酌量題補吏目費汝龍千總李滋宏均應如署督  
所請飭令交代清楚給咨赴部另補至新設郡縣等  
官應需學宮衙署監倉經制吏役俸薪工食等項及  
進學名數并寶坻縣梁城所分疆割界一切應增事  
件俱俟奉

旨允准之日該署督確勘妥酌另行題報可也恭候

命下 臣部等部遵奉施行 臣等未敢擅便謹

題請

旨雍正九年二月十六日

題本月二十三日奉

旨依議天津改設知府員缺著該督於現任知府內揀選  
調補其所遺之缺著楊允服補授欽此

三月十九日內閣移稱天津州改設府名字樣

欽定天津府梁城所改設縣名字樣

欽定寧河縣

武寶寧津四縣引河下游村莊減賦原奏

竊<sub>臣</sub>方觀承於乾隆十六年遵奉

諭旨查勘天津大沽海口港沙情形議得南北兩運四處

寧河縣志

卷之十一

藝文

三

城河通行查勘修濬一摺內稱三岔口爲兩運兩淀  
永定子牙諸水匯歸之地一值河淀並漲海門潮汐  
倒漾卽不免壅積爲患因詳查沿河港口情形而知  
南北運城河之分途歸海籌辦本有成法當日開濬  
之意旣以除運河隄岸之險更明其分流散沙別爲  
一途使兩運入三岔口之水稍減庶大沽子牙諸水  
得以寬然東注于三岔口卽使去路稍緩而來水不  
致加多三岔口已可容納近年以來北運之王家務  
城河壩門不常過水尚須查筐兒港城河兩隄因土

年水大漫溢殘缺奏准動項修築因今年春雨稍勤水未涸出無處取土暫停興工南運之捷地與濟二城河漳水易於淤淺隄岸亦多殘缺如閘口過水太多下游隄身單薄附近田禾卽虞漫漫可否仰懇聖恩於運河水退之後容臣將四處城河通行查勘應修應濬酌量籌辦奏請

聖訓遵行等因在案今臣等遵

旨將四處城河閘壩隄岸會同履勘詳加籌酌伏查畿

輔河淀諸流以及晉豫經涂大川之由直境者皆委

寧河縣志

卷之十一 藝文

三

輸於三岔口一河爲朝宗入海之路當伏秋汛漲之時旣苦來水之多而海門潮汐日至水滿潮盈人力難施惟有分洩水法以減滙歸之勢俾其分途入海旣可以保兩運隄工而於三岔口一帶又有釜底抽薪之益臣等確加查勘北運城河二道王家務城河壩門寬四十丈河長一百四十里由七里海入於薊運海河該壩口門近水處所舊有土埂橫塞以致運河漲發之水不能暢注壩門應將土埂挑去令與河灘相平並將金門內外所有積淤泥沙概加剷除露

出海堰以免阻遏又河身間段填淤應挑寬深者共二十處均寬八丈深二三四尺不等其南隄自開口起至八道沽以上現在尚屬完整毋庸疏濬北隄自大白莊起至積魚淀莊止卑薄殘缺應通身加寬頂底二三丈至三四丈不等培高一二尺不等又筐兒港城河壩門寬六十丈河長五十里入於塌河淀於水利案內開挖引河亦令由七里海歸入薊運海河該壩於每年水漲時照常過水河身沿皆深通毋庸挑濬其北隄自開口起至梅廠以上尚屬完整毋庸

寧河縣志

卷之十一

藝文

三

加修南隄自張五家莊起至南倉道口南止卑薄殘缺有僅存隄形者高僅尺許寬僅四五尺應通身加寬頂底一丈至六丈五尺不等培高七八尺不等查王家務北隄應修工段濱臨淀窪筐兒港南隄應修工段地近北倉均須普加夯築堅實以資保障至王家務八道沽以下之南隄筐兒港以下之北隄相距三四十里不等此內計一百七十二村莊分隸武清寶坻寧河天津四縣參錯於油香積魚東淀青閣等淀每遇伏秋水盛行之時本處瀝水已難消洩而

塌河淀七里海後海等處之水又復同時並漲城河  
下游之隄內外均浸水中常被漫刷不能存立即使  
建築隄工亦祇能約束城河內之水其下游各淀與  
七里海諸水仍不免於倒漾爲患是以兩隄內一百  
七十二村莊歲被淹澇歷奉蠲賑<sub>臣</sub>等詳查該處地  
畝多係按水草科則每畝徵銀四釐而其中間有宮  
監馬廠等科則每畝徵銀自一分至三分不等<sub>臣</sub>等  
伏思水草地畝本以漁葦爲利非水發甚旱葦亦無  
收自不應一例概請蠲賑今因有宮監馬廠等賦額

之地夾雜其中每遇報災請賑礙難過爲區別應請  
將兩隄下游一百七十二村莊內地畝通行查明悉  
就該處實在情形減照水草例每畝徵銀四釐如遇  
該處一隅之水仍於漁葦之利無礙則不得概請蠲  
賑致滋冒濫其應減科則地畝銀兩各細數容<sub>臣</sub>查  
明造冊另行具題辦理所有王家務八道沽以下之  
南隄筐兒港梅廠以下之北隄均毋庸復行修築以  
省糜費又查得南運城河二道滄州捷地汎城河長  
一百八里由母豬港歸岐口歸海現在河身面寬七

八丈底寬三四丈深三四五六尺不等今應通身挑濬面寬九丈底寬五丈均深八九尺不等卽將挑河之土加培兩岸隄於緊要工段量加夯礮其餘平土並隄身尚屬完整者卽將挑河之土堆培隄外毋庸一律加夯礮隄盡處自劉三家莊迤東至船到溝計長二百丈淤淺之處在應挑挖寬深其河身紆曲處所自崔家莊迤東起至保家莊道口止計長二千二百四十丈之內兜灣三處不克暢注應裁灣取直緊挑直河長一千四百八十丈以順其下注之勢挑出

寧河縣志

卷之十一

藝文

三

之土卽以培修北隄較之挑濬迂折之舊河更屬省便又石壩金門五空而壩內兩壩相距僅二十丈以致奔流衝刷隄根應各展寬十餘丈長七十丈俾能容蓄並酌量於出水石雁翅之下接廂草工以資捍禦又石壩之南壩得石縫滲水應拆修灌漿使一律堅固又青縣興濟鎮城河長九十六里亦由母猪港岐口歸海現在河身面寬七八丈底寬二三丈深四五六尺不等今應通身挑濬面寬九丈底寬五丈深八九尺不等挑河之土卽用培隄其分別夯礮之處

照捷地城河辦理至捷地城河近隄村莊窪處滙水無從消洩應添設涵洞五座於汛後河水消落之時導引瀝水由涵洞以歸河中興濟城河舊有涵洞二座歲久坍塌並應修理以消積瀝又兩城河村莊孔道共有木橋七座今河既疏濬深通橋亦應改建以便行旅以上南北運城河四處修濬河隄橋壩各工若照各該道屬河工成規約需費十二萬一千餘兩

臣伏思城河四處在武清寶坻寧河天津青縣滄州各境內今歲偶值偏災茲蒙

寧河縣志

卷之十一

藝文

三

聖恩給賑明春正二月已屆停賑之時今將此次隄河興工代賑俾小民得以力作餬口寓賑於工爲惠甚溥案查城河隄工歷係動帑修濬並非民堰應請照興工代賑舊例每挑土一方給價銀三分九釐其隄工應加築夯礮者照例加給夯夫工價共約估需銀九萬一千二百餘兩除筐兒港本年停修隄工現存銀六千九百二十六兩零八分實應需銀八萬三千三百餘兩請卽於司庫地糧銀內動支遴選妥幹廳印各員分段派委承辦該道府往來督率稽察務使工



歸實用民沾惠澤臣等又查四處城河隄外村莊環立今蒙

恩發帑金大爲經理嗣後村民亦不得以巨河官工稍爲漠視應請該管各廳會同地方官查明附近村莊分認河身段落每年水過之後如有淤塞各按工段疏濬仍於力作之時按戶酌借口糧秋後免息還倉該處旗民一例赴役則用力無多而有經久之益矣除各工細數另行確估造送部外臣等公同悉心籌議謹繪圖貼說繕摺恭

寧河縣志

卷之十一

藝文

三

奏伏乞

皇上聖鑒訓示施行

減賦奏准部覆

福建司案呈戶科抄直督方題前事等因乾隆十九年六月十三日題七月十一日奉

旨該部議奏欽此欽遵於本日抄出到部該臣等查得直督方疏稱武清寶坻寧河天津等四縣所轄之王家務八道沽暨筐兒港梅廠以下南北兩隄下游一百七十二村莊各項地畝經臣於修濬南北兩運城

河案內奏准悉照水草科則每畝徵銀四釐如遇該處一隅之水仍於葦漁之利無礙卽不得率請蠲賑其應減地畝銀兩細數亦經臣查明同天津同知經徵葦漁課地畝應減額賦一弁據冊題報接准部覆行令將前項應減應徵地畝再行確查取具印委各員印結並各上司加結具題等因行據布政司玉詳稱南北兩運城河案內武清寶坻寧河天津津軍廳五縣廳附近兩隄下游各村共計一百七十二村莊前據該廳縣勘報共地四千九百二十二頃九分零今復據該管之府道委員覆勘明確取具印加各結移送似應准照水草科則減徵額賦至天津縣減糧冊開新慶地二百六十頃九十一畝九分零應減糧銀據該縣查明按每畝三分核計共應除銀七百八十二兩七錢五分零前止造報銀七十八兩二錢七分零所有應增除糧銀同應除丁匠等銀照議核正彙請題報均於十八年奏冊內補造開除查四縣一廳各項共地四千九百二十二頃九分零徵銀科則不等共應除正糧銀七千七百九十六兩九錢一分

零共除丁匠銀一千六百一十四兩一錢七分零二  
共除銀九千四百一十一兩八分零又寶坻縣除本  
色高糧二石六斗七升五合遇閏之年共除丁閏銀  
六十一兩九錢一分六釐零共除地閏銀七十二兩  
三錢三分六釐零二共除閏銀一百三十四兩二錢  
五分二釐零於乾隆十七年除糧爲始又前項除糧  
共地四千九百二十二頃九分三釐零遵照奏准水  
草小地科則每畝徵銀四釐共徵正銀一千九百六  
十八兩八錢三釐零共徵丁匠銀四百七兩五錢九

寧河縣志

卷之十一

藝文

三

分零二共徵銀二千三百七十六兩三錢九分零遇  
閏之年共徵丁閏銀一十五兩六錢三分四釐零於  
乾隆十七年徵糧爲始逐一核明另造陞除糧額總  
冊同各屬送到印勘各結加具印結呈請察核具題  
并聲明天津縣減賦冊籍從前查造舛錯之處旣據  
該縣自行查出更正所有舛錯職名應請照例免其  
開送臣覆核無異除冊結送部外臣謹會同兼管順  
天府尹臣劉 順天府府尹臣程 合詞具題等因  
前來查乾隆十六年十二月內據該督奏請修濬南

北兩運城河案內以王家務八道沽以下之南隄筐兒港梅廠以下之北隄計一百七十二村莊分隸武清寶坻寧河天津四縣歲被淹澇歷奉蠲賑詳查該處地畝多係按水草科則每畝徵銀四釐而其中間有宮監馬廠等科則每畝徵糧自一分至三分不等伏思水草地畝本以漁葦爲利非水發甚早並葦亦無收自不應一例概請蠲賑今因有宮監馬廠等賦額之地夾雜其中每遇報災清賑礙難過爲區別應請將兩隄下游一百七十二村莊內地畝通行查明

寧河縣志

卷之十一

藝文

三

悉就該處實在情形減照水草例每畝徵銀四釐如遇該處一隅之水仍於漁葦之利無礙卽不得率請蠲賑致滋冒濫其應減科則地畝銀兩各細數容查明造冊另行具題辦理等因奏准抄錄原奏送部在案嗣據直督將武清寶坻寧河天津等四縣所屬運河隄內各村莊地畝並聲明天津同知所管葦漁課地原奏內雖未指及但所管地畝原係坐落天津武清二縣今應減賦之地卽在一百七十二村之內自應一體請減造冊題請分別徵收減除經臣部以隄

除地畝額賦例應查勘確實取具印委各員切實印  
結並各上司加結送部行令再行確查照例取具各  
結具題到日再議亦在案今據直督方 疏稱武清  
寶坻寧河天津津軍廳五縣廳附近兩隄下游各村  
共計一百七十二村莊共地四千九百二十二頃九  
分零徵銀科則不等共應除正糧銀七千七百九十  
六兩九錢一分零共除丁匠銀一千六百一十四兩  
一錢七分零又寶坻縣除本色高糧二石六斗七升  
五合遇閏之年共除丁閏銀六十一兩九錢一分六  
釐零共除地閏銀七十二兩三錢三分六釐零於乾  
隆十七年除糧爲始又前項除糧共地四千九百二  
十二頃九分零遵照奏准水草小地科則每畝徵銀  
四釐共徵正銀一千九百六十八兩八錢三釐零共  
徵丁匠銀四百七兩五錢九分遇閏之年共徵丁閏  
銀一十五兩六錢三分四釐零於乾隆十七年徵糧  
爲始等語查前項地畝應除應徵糧銀旣據該督逐  
一確查并取具印勘各結該布政司加具印結送部  
查與該督奏明應減應徵銀數相符應准其於十七

年爲始照數減則徵收應令該督將應減應徵各數造入該年地糧奏銷冊內送部查核仍令該督出示曉諭遵照輸納如有不肖官吏將減免銀兩私自照舊徵收侵蝕等弊立即指名題叅至疏稱天津縣減糧冊開新慶地二百六十頃九十一畝九分零應減糧銀據該縣查明按每畝三分核計共應除銀七百二十八兩七錢五分零前止造報銀七十八兩二錢七分零所有應增除糧銀同應除丁匠等銀核正題報均於十八年奏冊內補造開除從前查造舛錯之

寧河縣志

卷之十一

藝文

三

處旣據該縣自行查出更正所有舛錯職名應請照例免其開送等語查前項造報舛錯之處旣據聲明係該縣自行查出更正應毋庸議仍將少除銀兩於十八年奏銷冊內補造開除可也等因乾隆十九年九月十三日 題本月二十三日奉

旨依議欽此

論曰宋史言歐陽永叔與學者言未嘗及文章惟談吏事謂文章止於潤身政事可以及物旨哉言乎奏議之於文章亦政事之及物者也引古義切事情割

惻上陳通達治體民之賴也矧寧邑民疲土瘠其有  
藉於興利除害者尤多哉記曰事君大言入則望大  
利小言入則望小利如斯人者其庶幾乎